

橘化為枳

gid` fa` vui zhi`

作者：晏子
 年代：春秋戰國
 散文

晏子將使楚。楚王聞
 之，謂左右曰：「晏嬰，
 齊之習辭者也。今方來，
 吾欲辱之，何以也？」
 左右對曰：「為其來也，
 臣請縛一人，過王而行。
 王曰：『何為者也？』
 對曰：『齊人也。』王
 曰：『何坐？』曰：『
 坐盜。』」

晏子至，楚王賜晏子
酒。酒酣吏二縛一人詣
王，王曰：「縛者曷為
者也？」對曰：「齊人
也，坐盜。」
王視晏子曰：「齊人
固善盜乎？」
晏子避席對曰：「嬰
聞之，橘生淮南則為橘，
生於淮北則為枳，

葉徒相似，其實不同。
所以然者何？水土異
也。今民生長於齊不
盜，入楚則盜，得無
楚之水土使民善盜耶？」
王笑曰：「聖人非
所與熙也，寡人反取
病焉。」